

欽定四庫全書

子部

續名醫類案卷十八



南京中医药大学图书馆版权所有

欽定四庫全書

續名醫類案卷十八

腫

錢塘魏之琇撰

竇材嘗因路過衢州野店見一婦人遍身浮腫露地而坐竇曰何不在門内生婦人曰昨日蒙土地告我明日有扁鵲過此可求治痛我故於此候之竇曰汝若能聽我我當救汝婦曰汝非醫人安能治病竇曰我

雖非醫然得扁鵲真傳有奇方故神預告汝遂與保
命延壽丹十粒服之夜間小便約去二升五更覺飢
二次又服十五粒點左右命關穴灸二百壯大便下
白膿五七塊半月全安婦人曰真扁鵲再生也

琇按材為紹興間人著有扁鵲新書曾進呈且有
達天青詞謂其書得真傳可以濟人而非妄也此
案在書中為首則故表其為扁鵲之名如此材曾
為巡檢官

一病人四肢皆腫氣促食則脹悶止喫稀粥今日服金液丹百粒至四日覺大便滑再二日乃令喫麪食亦不妨蓋治之早也

一婦人病面脚皆腫飲食減少世醫皆作血虛治之不效竇曰非血病乃脾胃虛也今日服延壽丹十粒全真丹五十粒至十日覺大便滑病愈

張子和治張小一初病疥爬搔變而成腫喘不能食張斷為風水水得風而暴腫故遍身皆腫先令浴之乘

膝理開豁就煨室中用酸苦之劑加全蝎一枚吐之
節次用藥末至三錢許出痰約數升汗隨涌出腫去
八九分隔一日臨臥向一更來又下神祐丸七十餘
粒三次嚥之至夜半動一行又續下水煮桃紅丸六
十丸以麝香湯下又利三四行後二三日再以舟車
丸通經散及白朮散以調之愈

張子明之母極肥偶得水腫四肢不舉張令上涌汗而
下泄之去水三四斗初下藥時以草貯布囊高支兩

足而臥其藥之行自腰以上水覺下行自足以上水覺上行水行之狀如蛇走墜如綫牽四肢森然涼寒會於臍下而出不旬日間病大減餘邪未盡張更欲用藥竟不能從其言

張承應年幾五十腹如孕婦面黃食減欲作水氣或令服黃耆建中湯及溫補之劑小洩涸閉張曰建中湯攻表之藥也古方用之攻裡已誤矣今更以此取積兩重誤也先以涌劑吐之置火于其旁大汗之次與

猪腎散四錢以舂車丸引之下六缶殊不困續下兩次約三十餘行腹中軟健啖如昔常仲明日向聞人言瀉五六缶人豈能任及問張承應渠云誠然乃知養生與攻病本自不同今人以補劑療病宜乎不效

此與葛某之論同又常說丹溪大不然之因謂子和書非其手撰乃出自麻知幾等

元時名醫宋會之治水蟲法用老絲瓜一枚去皮及子剪碎與巴豆二七粒同炒視巴豆褐色為度去巴豆存絲瓜又用黃米如絲瓜之數同炒視米褐色去絲

瓜存米研末清水和為丸梧桐子大每服百丸白湯
下蟲水盡從大便中出而疾除矣其言曰巴豆逐水
者也而患其迅藉絲瓜取其氣絲瓜有筋象人身脈
絡得引巴豆之氣達諸脈絡而仍用米者投其胃氣
也仍去絲瓜者畏其受巴豆之氣太甚也鮮于樞為
之記如此

閩攬記述
水良法

峨眉僧治一人肚腹四肢腫脹用乾雞矢一升炒黃以
酒醅三椀煮一椀濾汁飲之名牽牛酒少頃腹中氣

大轉動利下即脚下皮皺消也未盡隔日再作仍以
田羸二枚滾酒淪食白粥調理而愈其人牽牛來謝

故以名方

本草
綱目

魏秀才妻病腹大如牯四肢骨立不能貼席惟衣被懸
臥穀食不下者數日矣忽思鵲食如法進之遂運劇
少頃雨汗莫能言但有更衣狀扶至圓小便突出白
液凝如鷲脂如此數次下盡遂起蓋中焦濕熱積久

所致也

董炳集驗
方同上

李時珍治一人妻自腰以下肘腫面目亦腫喘急欲死
不能伏枕大便澹泄小便短少服藥罔效其脈沈而
大沈主水大主虛乃病後冒風所致是名風水也用
千金神秘湯加麻黃一服喘定十之五再以胃苓湯
吞深師薺朮丸二日小便長腫消十之七調理數日

全安

本草
綱目

邱汝誠友人朱升患酒積舉身黃腫無能治者邱視之
曰可救也出囊中赤藥七丸以酒下之須臾下黃水

滿器腹即消其半再下五丸遂愈

揮塵
新譚

陳三農治一人患腹脹滿服補中六君其脹減十之七

八悞服行積丸遂致食減復脹甚脈細數以補中湯

加乾薑肉桂各五分附子七分吳茱萸一分薑水煎

飲愈

一人腹脹時吐小便利則大便秘不利則小便不

通用炒乾薑三錢升麻一錢五分吳茱萸微炒五分

煎服愈

原注此寒邪痞塞于膀胱
也時吐者寒迫火上也

一人患單腹脹將愈因惱怒復脹而痛口乾身熱食減
胆中近右作痛按之則止用人參乾薑炒半夏各七
分白朮茯苓蒼朮各二錢陳皮神麴各五分甘草肉
桂各二分吳茱萸七厘服愈

一人頭面四肢浮腫帶黃色行動腳軟此脾胃虛弱只
宜健脾固中氣為主用人參白朮茯苓陳皮甘草漸
愈

孫文垣治陳光祿松巖常五更胸脇脹疼遍治無效診

之右寸軟弱左平兩尺亦弱曰此肺腎二經之不足也補而斂之可無恙矣以補骨脂萸肉人參各三兩鹿角膠鹿角霜各五兩杜仲巴戟白茯苓車前子各一兩五錢山藥二兩鹿角膠酒化為丸空心淡鹽湯送下又以御米穀去筋膜蜜水炒三兩訶子麴煨去核一兩陳皮一兩半煉蜜為丸五更枕上白湯送下一錢服一月病愈

溧水令吳涌瀾夫人每五更倒飽必瀉一次腹常作脹

間亦痛脈之兩手寸關洪滑兩尺沉伏曰此腸胃中
有食積痰飲也乃與總管丸三錢生薑湯送下大便
雖行不甚快利又以神授香連丸和之外用滑石甘
草木香枳殼山查陳皮白芍酒連調理而安

熊成八官江右南昌人早起行路忽見邪火二團滾滾
而來大驚駭次日腹中膨滿漸成脹滿面白皮薄兩
手瘦削兩足皆有浮氣按之消然不起也行動氣促

形神俱弱醫謂神弱氣促胸腹青筋縷縷如貫索小

水清長形症如此脾虛所致以參苓白朮散投之十日堵然如鼓中有一塊壘然突出堅若鍤石臍已平滿勺粒不入醫與決曰若疾法在不治盍早歸毋作異鄉鬼也孫脈之沉弦有力曰非氣虛中滿候前補太驟適助長耳顧今霉雨途遙

濕熱病值
濕熱時

即歸未能

時刻可到且治非良手則大事去矣予有一藥尚可冀生也以琥珀調中丸日二進之一進甚甘再進稱快十日腹漸寬塊漸鎔半月盡消去青筋俱斂改以

平胃散加蘿蔔子薑黃芩仁砂仁木香調養一月飲

食大加兩足之浮亦愈

利水消積法

喻嘉言治劉泰來年三十二歲面白體豐夏月用冷水

灌汗坐臥當風新秋病瘧三五發後用藥截住遂覺

胸腹脹滿不旬日外腹大胸高上氣喘息二便全無

食飲不入能坐不能臥能俯不能仰勢頗危急醫以

二便不通下之不應商用大黃二兩作一劑喻駭曰

此名何病而敢放胆殺人耶醫曰傷寒腸結下而不

通唯有大下一法何謂放胆喻曰世有不發熱之傷寒乎傷寒因發熱故津液枯槁腸胃燥結可用下藥以開其結然有不轉矢氣者不可攻之戒正恐悞治太陰經之腹脹也此病因腹中之氣散亂不收故水液隨氣橫溢成脹全是太陰脾氣不能統攝所致一散一結相去天淵再用大黃猛劑若不能死定須腹破矣醫唯唯辭去病家仍欲服之喻乃擲去其藥另與理中湯畏不敢服欲俟來日喻曰腹中真氣漸散